



EKSTERNA MATURA – INFORMACIJA ZA WEB

Dragi učenici, cijenjeni roditelji i nastavnici,

S ciljem adekvatnog informiranja u vezi sa aktivnostima koje se odnose na uspješnu pripremu i realiziranje eksterne mature za učenike koji u ovoj školskoj godini pohađaju 9. razred osnovne škole, a koje se provode na nivou Ministarstva za obrazovanje, nauku i mlade Kantona Sarajevo, još jednom dajemo sljedeće informacije:

1. Svi učenici 9. razreda osnovne škole će polagati maturu iz tri obavezna predmeta: Bosanski, hrvatski, srpski jezik i književnost, Matematika, strani jezik - prvi strani jezik (Engleski, Njemački, Francuski ili Arapski jezik). Pored tri navedena predmeta, učenici polažu eksternu maturu iz još dva izborna predmeta, koja biraju u okviru dvije grupe predmeta:

I grupa: Historija/Povijest, Geografija/Zemljopis i Informatika;

II grupa: Fizika, Hemija/Kemija i Biologija.

Promjena u odnosu na prethodnu školsku godinu je uvođenje nastavnog predmeta - Informatika kao još jednog izbornog predmeta za koji će se učenici moći opredijeliti da polažu eksternu maturu.

2. Učenici su dužni, u skladu sa Pravilnikom o polaganju eksterne mature, da se najkasnije do 15.aprila 2014. godine opredijele za izborne predmete.

3. Ministarstvo je donijelo Instrukciju o izboru šest osnovnih škola na području Kantona Sarajevo u kojima će učenici koji dolaze izvan Kantona Sarajevo polagati eksternu maturu. Ovom instrukcijom određuje se sljedećih šest osnovnih škola na području Kantona Sarajevo u kojima će učenici koji su završili osnovnu školu izvan Kantona Sarajevo polagati eksternu maturu:

- a. JU "Deveta osnovna škola"
- b. JU OŠ "Skender Kulenović"
- c. JU OŠ "Fatima Gunić"
- d. JU OŠ "Čengić Vila I"
- e. JU OŠ "Grbavica I"
- f. JU OŠ "Porodice ef. Ramić".

U skladu sa Pravilnikom, učenici koji dolaze izvan Kantona Sarajevo, su dužni da se prijave za polaganje eksterne mature u navedene škole, najkasnije 10 dana prije polaganja eksterne mature.

4. Na zvaničnoj web stranici Ministarstva-link „eksterna matura“ se nalazi Ispitni katalog, sa 12 vodiča (za svaki predmet pojedinačno), koji je objavljen 20. januara 2014. godine, što predstavlja materijal iz kojeg je potrebno da se učenici pripremaju za polaganje eksterne mature. Pored navedenog dokumenta, na istom mjestu se nalazi dostupan i prošlogodišnji ispitni katalog, koji sadrži pitanja i odgovore, što takođe predstavlja kvalitetnu osnovu za pripremanje učenika za polaganje eksterne mature. **Još jednom posebno naglašavamo da su prošlogodišnji ispitni katalozi (pitanja sa odgovorima za svaki predmet pojedinačno), adekvatan i kvalitetan materijal za pripremanje učenika za eksternu maturu.**

5. Literatura koja je navedena u svakom vodiču predstavlja cjelokupnu literaturu koja je korištena za pripremanje vodiča, ali istovremeno predstavlja i sve udžbenike iz kojih se učenici mogu pripremati za eksternu maturu. Naglašavamo da je potrebno da se učenik priprema isključivo iz udžbenika koje je koristio tokom školovanja (radi se o udžbenicima koji se nalaze na Spisku



odobrenih radnih udžbenika, udžbenika, priručnika, radnih listova i zbirki zadataka za osnovne škole, gimnazije i srednje tehničke i stručne škole). **Netačne informacije, koje su se pojavile u određenom broju škola, u vezi sa obavezom učenika da koriste sve udžbenike, navedene u literaturi (15, 16 ili 17 udžbenika), a koje su izazvale paniku među učenicima i roditeljima, želimo i na ovaj način da demantiramo.**

6. Provjera nivoa usvojenih znanja i sposobnosti, koje su učenici razvili u toku devetogodišnjeg osnovnog obrazovanja iz obaveznih predmeta Matematike, Engleskog i Bosanskog, hrvatskog, srpskog jezika i književnosti obuhvata nastavno gradivo raspoređeno u nastavne oblasti, se ne razlikuje od gradiva sa prošlogodišnje eksterne mature. Učenicima se preporučuje da zadatke za vježbu i utvrđivanje gradiva koriste iz prošlogodišnjih kataloga za polaganje Eksterne mature.

7. U ovoj školskoj godini će se eksterna matura polagati u trećoj sedmici juna, odnosno u periodu od 16. do 20 juna, a o tačnom terminu polaganja će sve škole biti blagovremeno informirane.

NAPOMENA: Ministarstvo će kontinuirano nastaviti obavještavati sve zainteresirane, putem web stranice, u vezi sa svim relevantnim aktivnostima koje se odnose na polaganje eksterne mature te pružati pouzdane, dostupne i svima razumljive informacije o eksternoj maturi.



ZA MINISTRA

Ljiljana Prelčec



web: <http://www.monks.ba>
e-mail: monks@ks.gov.ba
Tel: + 387 (0) 33 562-128, Fax: + 387 (0) 33 562-218
Sarajevo, Reisa Džemaludina Čauševića 1

